

**CONCLUS dalla suprastanza dalla regiun surselva
concernent promover l'utilisaziun da pupi e cartun veder**

Versiun diils 24 da zercladur 2004, valeivel naven digl 1. da settember 2004

Per utilisar ils rumians a moda favoreivla pigl ambient e per levgiar l'economisaziun da rumians regionala promova la regiun urselva acziuns da rimnar pupi e cartun veder a norma dallas suandontas disposiziuns:

1. Il dretg sin contribuziuns dalla regiun surselva han instituziuns sco scolas, uniuns e vischnauncas ch'organiseschan rimnadas ellas vischnauncas associadas alla utilisaziun da rumians dalla regiun surselva.
2. Per saver far valer las contribuziuns dalla regiun surselva sto il pupi/cartun che vegn rimnaus dallas instituziuns cun dretg sin ina indemnissaziun vegnir furnius al stabiliment per economisar il rumien Plaun Grond (SER).
3. Il transport dil pupi/cartun tochen al SER va sin donn e cuost dil furnitur.
4. Il pupi/cartun che vegn furnius ord acziuns da rimnada al SER vegn pesaus sigl areal dil SER e la regiun surselva paga allas instituziuns cun dretg d'ina indemnissaziun in prezi fix da 11 raps il kilogram pupi/cartun. Tals che han negin dretg d'ina indemnissaziun san furnir gratuitamein pupi/cartun al SER.
5. La regiun surselva paga per pupi/cartun che vegn rimnaus en vischnauncas ch'ei denter 10 e 20 kilometers naven dil SER ultra dil prezi fix ina indemnissaziun vid ils cuosts da transport da 3 raps il kilogram pupi/cartun. La bunificaziun pils cuosts da transport per instituziuns cun dretg d'indemnissaziun en vischnauncas pli lunsch naven che 20 kilometers dil SER munta a 5 raps il kilogram pupi/cartun. Per eruir la distanza ei la tabella dalla regiun surselva decisiva.
6. Sch'ins sto supponer ch'ei seigi vegniu empruau da retrer contribuziuns a moda abusiva, san ils pertucconts vegnir sclaus per adina ni per in cert temps da retrer contribuziuns. Encunter las disposiziuns dil secretariat regional dalla regiun surselva sa vegnir fatg protesta a scret e cun mussaments enteifer 10 dis tier la suprastanza dalla regiun surselva.

Quei conclus va en vigur igl 1. da settember 2004.

regiun surselva

Il president
Sep Cathomas

Il secretari regional
dr. Duri Blumenthal